

乾隆

雲林唐君田手著

益生堂醫學

鏡錄

中和堂藏板

余蚤年篤志儒業緣甲寅三藩之變終日避兵
卒無寧息至丙辰始得復歌太平然而家計日
迫先嚴愀然不樂曰吾家食指繁盛生之者
寡食之者衆將何以堪今天下敫寧男子志在
四方汝等宜別求一業以資日用豈可株守坐
困耶緣是遂棄詩書經營山左業肄書林餘暇
得覽古今書籍因念舉業旣棄惟醫家一道爲
延生避患齊民要術遂肆力其間覺稍稍有得

一日余偶沾一疾檢閱方書自爲增損服之隨
手而愈嗚呼醫之益人大矣哉因憶張長沙序
曰上以療君親之疾下以救貧民之厄中以保
身養生利己濟人爲功於世非淺鮮也而業醫
之念乃愈篤雖然岐黃術固有益矣然理道淵
微豈可易言者哉必究心切理細玩脉絡部位
辨別寒熱陰陽且醫書有六經猶儒書有孔孟
極深研幾晰理毫芒始得其中旨趣余歷年以

來凡內經素問及諸家醫案博覽探索沉酣其中者久之始得入其門而近升乎堂矣而予乃更有進焉者切脉治疾雖脉分經絡部位症別虛實陰陽此特療病之根底而猶非所以盡其變也蓋虛之中未嘗無實實之中未嘗無虛陰之中未始無陽陽之中未始無陰又有天時之寒暄氣稟之強弱此之不審或墨守成迹或恃才矜勝幾微之間瞬眼生死一七之謬覆水難

收苟非存心有恒者可輕議醫道哉余年來手
集醫案方考頗具苦心雖一得之微亦發明先
哲所未發非圖市名也將藏於家以示來者耳
今且年邁力衰四方之志遂輟經營付與兒孫
而寧歸故里親朋鄰里平素知予者問病求醫
之履盈堦然一身不能徧閱乃詢病因由而對
症發方無不立驗於是衆親友謂外間喁喁望
濟者夥矣刻板行世勝于施方十倍諄諄勸請

予因不敢自私併付剞劂雖然不自余始也昔
先嚴久患眼疾因病而註方書纂輯勘驗著有
成效茲集列之卷首是亦繼先人之志云爾若
謂自炫其術余則何敢

肖

雍正二年歲次甲辰夏月古吳金邑唐見君田
氏自記於益生堂

月自晴然益主堂

藥五二平藹穴甲炁夏民古吳金昌書具書田

皆

能自秋其肅余四時

如效茲集既之卷首具亦繼武人之志云爾茲
失類人患則起因詠而詩式書纂輯備鑑善育
平日下類自秋分付借風觀然不自余故也皆

益生堂醫學心鏡錄序

且夫天有日月以照臨四方人有兩目以遍觀萬物是兩目者爲人身之一大日月也日月有明容光必照眼目神全秋毫必察矣然日月有時而晦蝕亦猶眼目有時而昏暗也一身之中惟目最貴日月之精華繫焉臟腑之精氣藏焉眼爲病豈可忽乎哉但患眼者其間種類頗多七十二般症候所治得者不過迎風流淚翳障

昏花爛弦風眼努肉攀睛紅筋腫痛怕日羞明
倒睫拳毛時行赤眼至於滿天白障青黑垂簾
蠅腎侵睛青盲翳障縱有神丹終難點治一生
而作瞽目之人乃是前生孽障有誰咎哉但可
恨者庸醫下士於可治眼疾妄用鍼刀謂能去
疾病者不審醫者妄行遂使雙曜失明者多矣
予曾有目疾請治未獲良醫亦欲妄用鍼刀幸
予心明不肯信從惟點眼爲唯唯卒之撥雲霧

開迷雲數年收功兩目復旦彼妄用鍼刀者其
罪惡固不勝誅而任受鍼刀者其庸愚亦不足
惜也後有患者始以妄用鍼刀爲戒而以信從
點治爲依庶乎不致長夜以終身也雖然猶未
也外治無過於點丹內治莫善於服藥內外交
攻厥疾乃瘳但人病有淺深體有厚薄人有南
北症有寒熱故患眼者或爲風寒所傷或爲七
情所傷或中風寒熱毒或爲酒色所耗致使眼

中受病倏然雙曜失明且五臟分五輪八卦分
八廓五輪者肝屬木曰風輪在眼爲烏睛心屬
火曰火輪在眼爲二眦脾屬土曰肉輪在眼爲
上下胞肺屬金曰氣輪在眼爲白睛腎屬水曰
水輪在眼爲瞳子至若八廓無位有名膽之腑
爲天廓膀胱之腑爲地廓命門之腑爲水廓小
腸之腑爲火廓腎之腑爲風廓脾之腑爲雷廓
大腸之腑爲山廓三焦之腑爲澤廓今人不分

此理凡遇眼疾止以寒涼之藥利其內點洗寒
涼治其外俱作風熱一途而療之予考眼疾有
風熱熱障有風濕霜月冒露冷障有氣鬱上壅
攀睛努肉有痰火上升有父子傳注有一家風
弦如此數端難作風熱一途而療共係風熱熱
障當用寒涼倘若陰虛火動槩以寒涼之劑損
其陰血遂致失明誰職其咎遇此者不可不辨
也予考治療之法風熱熱障脉浮弦數赤腫而

痛者爲實熱當清涼散利之風濕脉浮微瀉腫
癢多膠汨屬虛寒宜以養血溫涼之氣熱上壅
脉弦而沉癢而澀痛當以順氣溫涼之痰火上
升脉弦而滑當以降火清涼之陰虛火動虛陽
上攻眼不奈視宜以滋陰補益之至如北方之
人體厚且卧炕受熱點服二藥宜涼忌熱若乃
南方之人體弱或受濕屬寒服點二藥先涼後
熱不特此也又有富貴之家食辛味恣酒色貧

賤之人受風寒傷憂愁患眼不一治眼者亦宜
多端以變通之可也予昔患眼多年爲庸醫所
害始終只投涼劑遂至失明三月賴予自知之
明謂爲涼藥所害當服補藥以救之夫服補藥
之時眼目腫赤絕似熱眼諸人皆謂服補有害
而吾不謂然服補藥三年赤退腫消雙目復旦
今而後始信醫不執方合宜而用爲妙也大約
治之之法始焉當清涼之繼焉當滋補之審其

虛實當其補瀉病可脫矣因病得方但多散逸
恐後無傳予因屢試棘闈無緣於主司之目於
是功名之念頓寢暇日註集成帙名之曰醫學
心鏡此書歷試而成非一朝一夕而得也宜珍
之寶之不可輕視焉

肯

康熙丙寅年

春月

吉旦

金谿唐大任小讓氏誌於益生堂

益生堂醫學心鏡錄總目

眼科

卷之首

內科

卷之一

卷之二

卷之三

卷之四

外科

卷之五

卷之六

女科

卷之七

小兒科

卷之八

痘科

卷之九

痲癰科

附卷之十末

藥性湯頭

卷之十一

已上十二卷每卷各列目錄查驗